

泉州府志卷之四

封域 驛遞舖舍附

開方之法必除其山川林麓宮室廬舍之數蓋意在重農而地之不可以畝者不計泉州為郡三百餘里然而西北遜於山東南讓於海地幾齊楚之大國而田不及吳越一小縣重以谿谷阻遠車馬煩難往往計里為程日及而足遠蓋道里之表於是乎無憑也夫古者形方懷方治館舍而正封疆隸職方以屬司馬制至詳矣今泉為閩南都會處川陸要衝地窄而

泉州府志

卷之四

封域

民則稠道阻而趨者眾昔孔明治蜀凡藩籬障塞官府次舍皆中繩墨遂使鳥道蠶叢其勢與中原相埒是知古無難治之邦唯在司封圻之守者有以心畫而手措耳作封域志附驛遞舖舍

府治在福建布政司西南四百一十里東至大海岬頭一百三十里西至漳州府龍溪縣界二百零五里南至大海圍頭一百三十里北至永春州界東關一百一十五里東南至大海八十三里西南至漳州府龍溪縣界二百零伍里東北至興化府仙遊縣界九十里

又東北至仙遊縣界

一百四十里 西北至龍巖州界二百七十五里 又西北至龍溪縣界一百

五十里 東西廣三百六十里南北袤二百七十里府統治

五縣晉江縣附郭府西十五里為南安縣府東北五十

里為惠安縣府西南一百三十里為同安縣府西一百

五里為安溪縣自府治至 京師七千二百五十里

晉江縣在府治附郭東至惠安縣界洛陽橋二十里西至

南安縣界潘山市八里南至大海圍頭一百三十里北

至興化府仙遊縣界一百四十里東南至大海二十三

里西南至南安縣界赤湖村三十里東北至興化府仙

泉州府志

卷之四

封域

二

遊縣界九十里西北至南安縣界夾嶺一十里東西廣

二十八里南北袤二百六十里

南安縣在府治西十五里東至晉江縣界潘山七里西至

安溪縣界大宇村六十七里 二十七都下溪田畔有碑上刻西岑上安溪界東岑

上南安界明 南至同安縣界羅院邨一百里北至永春

州界九十里東南至晉江縣界潘徑舖一十五里西南

至同安縣界小盈嶺八十里東北至晉江縣界朋嶺二

十里西北至永春州界小姑舖一百里東西廣七十四

里南北袤一百九十里

惠安縣在府治東北五十里東至寧崎大海四十五里西至晉江縣界洛陽橋三十里南至北鎮大海四十五里北至興化府仙遊縣界六十里東南至岞頭大海五十里西南至晉江縣界三十里東北至興化府仙遊縣界四十三里西北至晉江縣界四十五里東西廣七十五里南北袤一百五里

安溪縣在府治西一百五里東至南安縣界高田村二十五里西至同安縣界大路尾六十里南至南安縣界英格嶺二十五里北至龍巖州漳平縣界竹垵村一百七

泉州府志

卷之四

封域

三

十里東南至南安縣界大宇村二十五里西南至南安縣界黃田村二十里東北至永春州界洪山村一百三十五里西北至漳州府龍溪縣界漁樵村一百四十五里東西廣八十五里南北袤一百九十里

同安縣在府治西南一百三十里東至南安縣界小盈嶺四十里西至漳州府龍溪縣界父子嶺七十五里南至大海黃牛峽八十里北至安溪縣界龜洋嶺五十五里東南至南安縣界歐嶺四十五里西南至漳州府龍溪縣界衝濃頭七十五里東北至南安縣界九溪舊隘四

十里西北至漳州府長泰縣界竹隱村五十里東西廣一百一十五里南北袤一百三十五里

驛遞舖舍 附

晉江縣

晉安驛在府治西驛內巷本宋貢院地元為清源站明洪武間知府張灝改建其東為遞運所驛兼領之正統十一年僉事陳祚重修上至錦里驛五十里下至康店驛六十里額設贍夫六十名走遞公文等夫六名兜夫十五名天啓間知府沈翹楚更遷城外今驛舍廢制如故

泉州府志

卷之四

封城

四

五陵腰站今歸晉安驛留設兜夫十五名

附宋泉州舊驛在城西義成門名勝志宋自西北取劍

州路出城西義成門至南安汰口驛永春桃源驛德

化龍潯驛上雍驛抵尤溪縣迤邐經西芹至延平避

福州大義江之險後廢

宋清源驛洛陽未橋時路出城北朝天門由朋山至

仙遊以達福州後廢 宋王十朋寓清源驛詩兩年繆作清源守不到清源洞裏遊天

恐孤子遠來意驛中聊許少遲留

元清源驛即宋南宗正司地後廢為織染局

明來遠驛在府城南三十五都車橋村永樂三年建
以館海外諸國貢使成化八年提舉司移置福州驛
廢

府前鋪 為郡總鋪

新鋪

洛陽鋪 以上由郡東抵惠安界者

下輦鋪

冷水井鋪

石龜鋪

駟行鋪

潘徑鋪 以上由郡南抵南安界者

寶月鋪

新亭鋪

白塔鋪

山前鋪

泉州府志

卷之四

封域

五

蘇村鋪

福全鋪 以上由郡東南抵海者

白沙鋪

西湖鋪 以上由福全抵安平者

安平鋪 連接駟行西湖二鋪下通金廈兩島

秀山鋪 連接山前鋪下通永寧

蓮埭鋪 連接新亭鋪下通法石日湖

南安縣

康店驛在縣西南三十六都舊為大盈驛宋嘉定十四年

令宋鈞建改康店明洪武三十年驛丞戴景宗修嘉靖

三十八年燬于倭四十五年知府萬慶重修

國朝順治開復燬康熙八年知縣甄佑重修上至晉安驛

六十里下至大輪驛七十里額設贍夫六十名走遞公

文等夫六名兜夫十五名

宋黃公度題壁詩西風落莫空館暮色迷蒙遠巒家近不

妨酒盡夜寒不怯衣單明林希元宿驛詩肩輿凌曉指歸程山嶺烟埋雨氣橫綠草連阡迷客路青苗遍野喜

農耕每聞桴鼓傷時事慣見炎涼識世情遂望鄉關東嶺外郵亭高柳且停旌詹仰庇初發康店驛別黃吾野

詩巢雲回首北山隈客路風塵曉騎催萬里離情依碧草一天愁思滿高臺逃名久學謝安臥報國應慚賈誼

才入夜鄉關烟雨外停驂且醉故人杯黃克晦宿驛詩離筵暮散古祠陰處處春江水氣沈半夜驛亭浮客夢

一燈風雨別家心窮來好友偏相似老去名山尚可尋天地翩翩何所着卻憐孤鶴在空林

附 宋汰口驛在劉店鄭山之閒上通尤溪為上北孔道

後廢

泉州府志

卷之四

封域

六

武榮鋪 為縣總鋪

錦亭鋪

澗堤鋪

鄭山鋪

汰口鋪

黃坂鋪 以上由縣西北抵永春界者

溪口鋪

後田鋪

太師鋪

珠淵鋪

大宇鋪

石井鋪 以上由縣西抵安溪界者

大盈鋪

康店鋪 宋李炳題康店鋪詩短衣自獵南山虎正

好魚樵不亂羣妾以宿嫌誅醉尉令人翻恨李將軍

東嶺鋪 以上由縣南抵同安界者

塔口鋪 由縣南抵湧頭者

附 大姑鋪

灣頭鋪 二鋪連接塔口鋪 下通灣頭今廢

惠安縣

錦田驛在縣治西元時為龍山驛明洪武初改錦田上至興化府仙遊縣楓亭驛六十里下至晉安驛五十里額設贍夫六十名走遞公文等夫六名兜夫十五名

盤龍驛站今歸錦田驛額設兜夫十五名

附 宋皇華驛在縣治左元遷治西錦田驛

縣前鋪 為縣總鋪

居仁鋪

驛坂鋪

塗嶺鋪

泉州府志

卷之四

封城

七

白水鋪

明林希元至白水鋪詩山過壺公白水連泉南風土尚依然征輿冒雨衫俱濕老病還鄉世所憐曉

霧滿空悲濁世秋杭遍野喜豐年故人隔在秋風外欲寄梅花未有緣○以上由縣北抵仙遊界者

盤龍鋪

上田鋪

以上由縣南抵晉江界者○按宋時只有

上田居仁塗嶺三鋪相去各二三十里

又於縣前上田另設二鋪專遞鹽場海汛小路文書

附 前埔鋪

黃田鋪

青山鋪

崇武鋪

以上由縣東南抵海者今廢

安溪縣

現以縣非南北孔道不更設驛

附 宋藍溪驛在縣治左隆慶府志紹興二十二年令葺

能惠建嘉定閒改名鳳山館後令顏振仲改爲行衙

咸淳四年令鍾國秀重建今廢宋縣尉羅時用詩寂寥孤館白日靜酣睡

有魔那得降叩戶故人風動竹齒箕羸馬浪翻江飛殘蝙蝠燈畱壁啼盡栖鴉日到牕堪笑浪遊仍住此

一秋贏得鬢絲雙

龍門驛在依仁里紹興二十六年令李著建後廢

大洋驛在縣西二十里通同安界紹興三十一年令

黃朴建朱子所謂泉石甚奇者也後廢

羅渡驛在縣東二十五里令陳宓建後廢

泉州府志

卷之四

封域

八

雙濟驛在崇善里淳熙十五年令林允建後廢宋陳知柔

詩村南村北放黃犢塢東塢西聞鷓鴣熟麥田家飯自快梅殘野店鳥相呼

縣前鋪爲縣總鋪

公母林鋪在永安里明萬歷閒知縣章廷訓建

羅渡鋪明正德閒知縣龔穎嘉靖閒知縣汪瑀萬歷閒知縣賀詳相繼修建○以上皆由縣東抵南安界者

同安縣

大輪驛在縣十五都元時建名同安驛明洪武九年知縣

吳銘修正德閒知縣李彰修嘉靖閒推官譚鎧知縣許

仁相繼修明李源記維皇建國程分驛置聯屬天下至遠也大輪驛在同安治西創始於宋移於元

名殊地改國朝洪武改元之九年卽元基改今名尹銘新之漸而圯正德之初尹彰新之則又圯數十年之閒

政馳費殷則圮之甚棟撓厦傾中支數木野蔓封於簷
甍望之頽然使者之來倉皇天書縱橫貢物僦民居止
焉僦金之積浮於新構供其什物頓之人居假貸竊匿
之閒終莫之勝敝四偏隙地則又半食居者之蠶因之
也嘉靖辛卯春三月大巡義烏虞公東厓實視之霜飛
鷗擊之餘夫剔敝源百度惟貞分巡績溪胡公承菴惟
章惟果屬有茲議上之大巡曰嘉環顧推官曰譚鎧惟
汝能爾鎧其相之宜惟詘惟羸汝實經之爾鎧其覈之
侵惟究惟售汝實始之其母怠於是推官奉以周旋方
鳩僦功蠶者訊之惟均四偏之界視舊志有加焉北偏
隙地猶之弦外請於民入數金者世尊實率有役薨薨
登登始於四月既望五月下浣落之前堂後寢臺門譙
閣左右夾室觀者有改庖偪廐獄輒發石砌之類改觀
於舊賓至其如歸乎虞公旋漳之節復視之曰官其匪
康以能有成功如此推官曰於茲役也其紀之日月嗟
乎高其閉閤厚其牆垣以無憂客使春秋褒之夫始議
之臧繼事之勤臺憲實綜之其利民一事之盛也與後
哉爲是記若夫嗣而葺之將終不朽其胡今之可忘

泉州府志

卷之四

封域

九

圮萬歷壬子知縣李春開重建

蔡獻臣記昔尼父論政柔遠居一焉而周語單

襄公所稱敵國賓至司理授館以至積薪監濯致餐獻
餽之典罔不備具矧今皇輿一統同安爲閩粵通道銜
王命持關繻而過者責相望于封內哉蔡子曰曩予道
潤州走京師數千里閒蓋有驛舍如新溝途若砥入其
疆似別一境界而其令亦獵能名博美官去然細詢之
則傳舍道途之費率取辦民間彼其更民不相得無怪
也故耽於自爲者視官若郵何況傳舍而巧於爲人者
飭廚傳以媚過賓總之亦爲已地耳兩者吾無取焉大
輪驛故元同安驛地在縣治西自洪武正德年閒及嘉
靖辛卯前令相繼新之八十年來傾圮殆盡賓之至者
率僑寓他公署以去今李侯下車愛養元元百務咸舉
乃擇委典幕王君應元佑議修費計用工料共一百餘
緡而侯捐俸以佐之者不啻三之一議定上之郡道兩
臺既覆覈成報可於是歲壬子首春興事季夏報竣
凡重門周垣堂寢庖湏之制井井秩秩而一切搬運之
費皆屬權宜設處工覈而成亟官省而民不勞則侯之

經畫審而幕之督率勤也然侯之爲是役也取苞茂經久而已不極觀焉君子之至於斯也雖不廢造請然不之事而已無加禮焉視諸傳舍其官與飭廚傳媚過賓者相去何如也侯嘗葺書院以崇紫陽清銅魚以復形勝皆關邑大計修廢振墜費不及民併茲而三矣是賢者之舉也不書何以示後李侯名春開別號青岱江右廣昌人王典幕浙江江山人其時驛丞爲富陽王學呂亦咸厥功併記之上至康店驛七十里下至深青驛六十里額設贍夫六十名走遞公文等夫六名兜夫十五名

深青驛在縣南六十里十五都元時建明洪武十四年知縣方子張景泰元年主簿蔡璘相繼重脩上至大輪驛六十里下至漳州府龍溪縣江東驛六十里額設贍夫

泉州府志

卷之四

封域

十

六十名走遞公文等夫六名兜夫十五名

附宋大同驛在朝天門外元移十五都同安驛

宋魚孚驛在安民鋪之側元移縣南六十里深青驛

東門鋪

在縣口譙樓東爲縣總鋪

洪塘鋪

沈井鋪

店頭鋪

小盈鋪

以上由縣東抵南安界者

烏泥鋪

新塘鋪

苧溪鋪

安民鋪

魚孚鋪

深青鋪

仙店鋪

蓮花鋪 以上由縣西
抵漳州界者

又另設烏泥兌山康東集美高崎和鳳六鋪專遞鹽場海
汛小路文書

附 草市鋪

北門鋪 以上由縣西南
抵高浦者今廢

五通鋪

永豐鋪

中左東門鋪 以上由縣南抵
廈門者今廢

官澳鋪

平林鋪

金門北門鋪 以上由縣東南
抵金門者今廢

泉州府志

卷之四

封域

十一